

AVIZU KONKURSU PÚBLIKU

Komisaun Funsan Públika, tuir forma Dekretu Lei no. 34/2008, 27 loron Agostu. Ho redasaun husi Dekretu Lei no. 22/2011, loron 8 Juñu, konabá Rejime Konkursu, Rekrutamentu, Selesaun, Nomeasaun no Promosaun Pesoal iha Administrasaun Públika ne'ebé foó biban ho prosedimentu sira atu loke konkursu públiku tuir avizu konkursu públiku iha Prokuradoria Jerál Repúblika.

Referénsia	Ref. Nú CPI/41/2022
Titulu ba pozisaun	Ofisial ba Rekursu Umanu
Grau kategoria	Grau : D / Tékniku profesional
Instituisaun	Diresaun Nasional Rekursu Umanu Prokuradoria Jerál Repúblika
Responsabilidade ba	Departamentu Étika Dixiplina no Dezempeñu
Saláriu mensal :	US\$ 272
Númeru ba vaga :	1 (ida)
Relasaun júridika ba empregu :	Permanente
Tipo konkursu ba :	Públiku
Métodu selesaun karáter eliminatóriu:	1. Avaliasaun kurikular 2. Prova eskrita liu hosi ezame sistema elektronika 3. Entrevista profesional.
Hato'o relatóriu ba:	Xefe Departamentu Étika Dixiplina no Dezempeñu

A. Deskrisaun konteúdu fungsional husi pozisaun:

Ofisial rekursu humanu hala'o serbisu tutela ba Xefe Departamentu Étika Dixiplina no Dezempeñu ho funsaun sira hodi fo apoiu ba Diresaun Administrasaun no Rekursu Humanu, serbisu ba Departamentu Étika Dixiplina no Dezempeñu iha Prokuradoria Jerál Repúblika. No hetan orientasaun husi Xefe Departamentu Étika Dixiplina no Dezempeñu hodi assegura katak sira tenke halo tuir lei, ho regulamentu no prosedimentu iha Prokuradoria Jerál Repúblika no Funsan Públika.

B. Responsabilidade sira ba pozisaun

1. Aktualiza inventáriu sira ne'ebé aplikavel iha Prokuradoria Jerál Repúblika tuir regulamentu no prosedimentu sira;
2. Prepara formulariu ba staff sira konabá mapa férias no rejista informasaun sira iha dokumentu pessoal;
3. Rekolha dados no asegura jestaun lisensa tuir kalendariu lisensa tuir planu ne'ebé mak aktualiza ona tuir regra mak sita iha Dekretu Lei: Nu:40/2008 ba funsionáriu hotu iha Prokuradoria Jerál Repúblika;
4. Apoiu serbisu administrativu hotu hodi aktualiza ba dokumntu pessoal sira, no rekolha dados funsionáriu no ajente administrasaun públika.
5. Prepara relatóriu serbisu ba Xefi Departamentu Étika Dixiplina no Avaliasaun Dezempeñu no Diretor Rekursu Humanu.
6. Aktualiza saláriu funsionáriu no ajente administrasaun públiku sira nian;
7. Aktualiza baze dados funsionáriu no ajente sira nian iha Komisaun Funsun Públika;
8. Prepara Time Sheet ba kontratadu sira;
9. Hala'o serbisu seluk ne'ebé superior sira fo ka atribui ba.

C. Rekezitu sira ba selesaun:

1. Rekezitu fundamental

Tuir artigu 14 - Lei N°. 8/2004, loron 16 fulan Juñu, Estatutu Funsun Públika no Alterasaun ba Lei N° 5/2009, aplikante sira tenke:

- a) Sidadaun Timor Leste;
- b) Mínimu tinan 17 no máximu tinan 55;

- c) Laiha istoria hahalok kriminal ne'ebé bele rezulta ba pesoal ne'e hetan sentensa tama kadeia tinan rua ka liu, no nunka halo buat ruma ne'ebé konsidera inkompativel ho funsaun sira ne'ebé nia sei hala'o iha administrasaun públika;
- d) Antes ne'e nunka hetan demisaun hosi instituisaun estadu ruma;
- e) Prontu atu serbisu iha ne'ebé deit iha parte teritoriu Timor Leste nian ka halo ofisial misaun iha tasi balu;
- f) Prontu hodi hala'o viazen iha rai laran no mos iha tasi balu;
- g) Iha saúde diak no kondisaun fízika no mental diak hodi bele hala'o funsaun ne'ebé nia konkore ba;
- h) Hatudu katak iha kapasidade (hakerek ho koalia) iha kualker lian ida husi lian ofisial rua ne'e (Tetúm ka Portugues) no hatene Inglés sai vantagen diak.

2. Rekezitu obrigatoriu

Minímu Diploma 3 (Tinan 2-3 ka equivalente) iha area Administrasaun Públika, siênsia Polítika, siênsia Governasaun ka área relevante seluk hosi Universidade ne'ebé hetan ona rekoñesimentu husi Ministériu Ensinu Superior Siênsia no Kultura Timor Leste.

3. Rekezitu selesaun sira konabá kualifikasaun, habilidade adisional, kompeténsia no esperiênsia espesifiku ba pozisaun ne'e:

- a. Mínimu iha esperiênsia serbisu tinan-2.
- b. Banati tuir lei, polítika no prosedimentu sira iha Administrasaun Públika Timor Leste, liu-liu Estatutu Ministériu Públiku no Estautu Funsan Públika;

- c. Hatudu kapasidade atu hametin relasaun no ambiente ne'ebé diak ho funsionáriu sira iha Departamentu / ekiparadu sira seluk iha Prokuradoria Jerál Repúblika;
- d. Iha abilidade komputador diak, liu-liu Microsoft Word, Excel, PP no Acces;
- e. Demonstra koñesimentu no abilidade hirak ne'ebé nu'udar rekezitu kompeténsia no responsabilidade sira ba pozisaun nian;
- f. Hatudu katak iha kapasidade (kompriende, koalia no hakerek) iha kualker lian ida husi lian ofisial rua ne'e (Tetúm ka Portugues) no hatene lian Inglêz nu'udar vantajen diak.

4. Preferênsia rekrutamentu sira:

Apontamentu sei determina hosi méritu. Aplikante sira ne'ebé iha valór finál hanesan, no preferênsia sei fó liu ba aplikante sira ne'ebé:

- Feto;
- Tinan entre 20 ho 35.

D. Kompozisaun júri

Painel júri ba konkursu no selesaun sei kompostu husi:

1. Sr. Noemio da Silva, husi PJR Prezidente júri
2. Sra. Anabela da Costa Lesu, husi PJR, Vogal
3. Sr. José Manuel Soares, husi PJR Vogal
4. Sr. Delfim Leitão, husi KFP Vogal
5. Sra. Santarina Xavier Rosário, husi KFP Vogal
6. Sr. Edilson Manuel Alain Ximenes, husi PJR Supliente
7. Sr. Valentino Moniz Barreto, husi PJR Supliente

E. Materia sira ba prova (Prova eskrita & entrevista)

1. Materia jerál (25%)

- Konstituisaun RDTL;
- Lejislasaun Funsan Públika;
- Istória Timor Leste;

2. Materia Espesifiku (75%)

- Dekretu Lei no. 6 / 2010, loron 14 Abril, altera ba Dekretu Lei no. 24 / 2017, loron 19 Julhu ;
- Lei 14 / 2005, loron 16 Setembru, altera ba Lei 11 / 2011, loron 28 Setembru, konabá Estatutu Ministériu Públiku;
- Matematika & estatistika bázika;
- Dominiu téknolojia informátika bázika;
- Deskrisaun serbisu nian vaga ka pozisaun sira ne'ebé mak konkorente sira konkore ba;
- Proficiência komunikaun eskrita no oral iha lian Tetum no Português no koñesimentu lian Inglés;
- Atu hetan informasaun konabá lei sira iha leten bele buka iha website Jurnal Repúblika;

F. Sistema klasifikasaun finál

1. Métopu selesaun koresponde ba análiza kurikular, verifikasaun referénsia pesoal, prova eskrita no entrevista.
2. Kalkulasaun eskala média ba prova eskrita hosi pontu 0 to'o 100, sei konsidera kandidadu ne'ebé hetan pontu 60 ba leten mak bele kontinua ba fase Entrevista finál.
3. Kandidatu ne'ebé hetan valór bo'ot liu mak okupa vaga / fatin refere.

G. Dokumentu ne'ebé tenki aneksu ba prosesu selesaun :

1. Karta aplikasaun diriji ba **Prezidente júri, Noemio da Silva**, tuir termu referênsia ba vaga ne'ebé mak kandidatu aplika.
2. Kurikulum vitae / CV tenke hakerek ho lian Tetúm ka Português no tenki asina husi rekerente, mínimu iha testimonha na'in rua (2) kompletu ho sira ida-idak nia número kontaktu ;
3. Foto kopia kartaun eleitoral no billeti identidade (BI) validu;
4. Foto kopia sertifikadu habilitasaun literaria ka profissional / diploma (legalizadu orijinal);
5. Foto kopia sertifikadu formasaun profisional karik iha ;
6. Atestadu médiku (orijinal);
7. Kopia sertidaun RDTL;
8. Sertidaun rejistu kriminal ka Bom Comportamento;
9. Karik funsionáriu públiku, tenki apresenta karta deklarasaun livre prosesu dixiplinar husi KFP;
10. Dokumentu hotu hatama iha **map / envelope ko'or (mean)** no hakerek naran aplikantes no área especialidade inklui número referênsia.
11. Anunsiu konkursu ne'e loke hahú loron 17 fulan Maiu tinan 2022 no sei remata iha loron 31 fulan Maiu tinan-2022, husi tuku 09.00 - 16.30 OTL.
12. Prosesu selesaun ida ne'e eliminatóriu. Tan ne'e, failha submete dokumentu lakompletu tuir rekizitu sira hanesan mensiona iha leten sei rezulta aplikasaun **"deskualifikadu"**,
13. Enkoraja tebes ba joven feto sira atu bele mai aplika ba vaga pozisaun ne'e.

14. Data teste eskrita no entrevista sei foó sai ho oráriu ba kandidatu sira ne'ebé kualifikadu iha prosesu selesaun dokumentu aplikasaun sira;
15. Públikasaun rezultadu: lista kandidatu admitidu ba konkursu no lista klasifikasaun finál sei taka iha kuadru avizu Prokuradoria Jerál Repúblika, Prokuradoria Distritál sira no Komisaun Funsan Públiku.
16. Submisaun dokumentu ba pessoal Rekursu Humanu Departamentu Rekrutamentu no Formasaun, Diresaun Administrasaun no Rekursu Humanu iha Prokuradoria Jerál Repúblika, Colmera Dili, no Prokuradoria Distritál Baucau, Prokuradoria Suai no Prokuradoria Oecusse.

Dili, loron 16 fulan Maiu tinan 2022



Noemio da Silva

Prezidente júri: